

१४१

ब॒द । इ॒त्या । तत् । व॒पु॒षे । धा॒यि । द॒र्श॒तं । दे॒व॒स्य । भ॒र्गः । स॒ह॒सः । य॒तः । ज॒नि ।
 यत् । ई॒ । उ॒प । ह॒र॒ते । सा॒ध॒ते । म॒तिः । ऋ॒त॒स्य । धे॒नाः । अ॒न॒य॒न्त । स॒ऽसु॒तः ॥
 पृ॒क्षः । व॒पुः । पि॒तु॒ऽमा॒न् । नि॒त्यः । आ । श॒ये । द्वि॒तीयं । आ । स॒प्त॒ऽशि॒वा॒सु । मा॒तृ॒षु ।
 तृ॒तीयं । अ॒स्य । वृ॒ष॒भ॒स्य । दो॒ह॒से । द॒श॒ऽप्र॒म॒तिं । ज॒न॒य॒न्त । यो॒ष॒णः ॥
 निः । यत् । ई॒ । बु॒धा॒त् । म॒हि॒ष॒स्य । व॒र्ष॒सः । ई॒श॒ना॒सः । श॒व॒सा । क॒न्त । सूर॒यः ।
 यत् । ई॒ । अ॒नु । प्र॒ऽदि॒वः । म॒ध्वः । आ॒ऽध॒वे । गु॒हा । सं॒तं । मा॒त॒रि॒श्वा । म॒था॒य॒ति ॥
 प्र । यत् । पि॒तुः । प॒र॒मा॒त् । नी॒य॒ते । परि॒ । आ । पृ॒क्षु॒धः । व॒रु॒धः । दं॒ऽसु । रो॒ह॒ति ।
 उ॒भा । यत् । अ॒स्य । ज॒नु॒षं । यत् । इ॒न्व॒तः । आ॒त् । इ॒त् । य॒वि॒ष्टः । अ॒भ॒व॒त् । घृ॒णा । शु॒चिः ॥
 आ॒त् । इ॒त् । मा॒तृः । आ । अ॒वि॒श॒त् । या॒सु । आ । शु॒चिः । अ॒हि॒स्य॒मा॒नः । उ॒र्वि॒या । वि । व॒वृ॒धे ।
 अ॒नु । यत् । पू॒र्वाः । अ॒रु॒ह॒त् । स॒ना॒ऽजु॒वः । नि । न॒व्य॒सी॒षु । अ॒व॒रा॒सु । धा॒व॒ते ॥ ८ ॥
 आ॒त् । इ॒त् । हो॒ता॒रं । वृ॒ण॒ते । दि॒वि॒ष्टि॒षु । भ॒गं॒ऽइ॒व । प॒पृ॒चा॒ना॒सः । ऋ॒ज॒ते ।
 दे॒वा॒न् । यत् । क॒त्वा । म॒ज्म॒ना । पु॒रु॒ऽस्तु॒तः । म॒र्तं । शं॒सं । वि॒श्व॒धा । वे॒ति । धा॒य॒से ॥
 वि । यत् । अ॒स्था॒त् । य॒ज॒तः । वा॒त॒ऽचो॒दि॒तः । ह॒ारः । न । व॒क्त्रा । ज॒र॒णाः । अ॒ना॒कृ॒तः ।
 त॒स्य । प॒त्न॒न् । ध॒क्षु॒षः । कृ॒ष्ण॒ऽज॒ह॒सः । शु॒चि॒ऽज॒न्म॒नः । र॒जः । आ । वि॒ऽअ॒ध्व॒नः ॥
 रथः । न । या॒तः । शि॒क्क॒ऽभिः । कृ॒तः । द्यां । अ॒ंगै॒भिः । अ॒रु॒षे॒भिः । ई॒य॒ते ।
 आ॒त् । अ॒स्य । ते । कृ॒ष्णा॒सः । ध॒क्षि । सूर॒यः । शूर॒स्य॒ऽइ॒व । त्वे॒ष॒था॒त् । ई॒ष॒ते । व॒यः ॥
 त्वया । हि । अ॒ग्ने । व॒रु॒णः । धृ॒त॒ऽव्र॒तः । मि॒त्रः । शा॒श॒द्रे । अ॒र्य॒मा । सु॒ऽदा॒न॒वः ।
 यत् । सीं । अ॒नु । क॒र्तु॒ना । वि॒श्व॒ऽथा । वि॒ऽभुः । अ॒रा॒न् । न । ने॒मिः । परि॒ऽभूः । अ॒जा॒य॒थाः ॥
 त्वं । अ॒ग्ने । श॒श॒मा॒ना॒य । सु॒न्व॒ते । र॒त्नं । य॒वि॒ष्ट । दे॒व॒ऽता॒तिं । इ॒न्व॒सि ।
 तं । त्वा । नु । न॒व्यं । स॒ह॒सः । यु॒व॒न् । व॒यं । भ॒र्गं । न । का॒रे । म॒हि॒ऽर॒त्न । धी॒म॒हि ॥
 अ॒स्मे० । र॒यिं । न । सु॒ऽअ॒र्थे । द॒मू॒न॒सं । भ॒र्गं । द॒क्षं । न । प॒पृ॒चा॒सि । ध॒र्णे॒सिं ।
 र॒श्मी॒न्ऽइ॒व । यः । य॒म॒ति । ज॒न्म॒नी० । उ॒भे । दे॒वा॒नां । शं॒सं । ऋ॒ते । आ । च । सु॒ऽक॒र्तुः ॥
 उ॒त । नः । सु॒ऽद्यो॒त्मा । जी॒र॒ऽअ॒श्वः । हो॒ता । म॒द्रः । शृ॒ण॒व॒त् । च॒न्द्र॒ऽर॒थः ।
 सः । नः । ने॒ष॒त् । ने॒ष॒ऽत॒मैः । अ॒मूरः । अ॒ग्निः । वा॒मं । सु॒वि॒तं । व॒स्यः । अ॒च्छ ॥
 अ॒स्ता॒वि । अ॒ग्निः । शि॒मी॒व॒त्ऽभिः । अ॒कैः । सां॒ऽरा॒ज्या॒य । प्र॒ऽत॒रं । द॒धा॒नः ।
 अ॒मी० । च । ये । म॒घ॒ऽवा॒नः । व॒यं । च । मि॒हं । न । सूरः । अ॒ति । निः । त॒त॒न्युः ॥ ९ ॥